

Cruinniú Boird Bainistíochta

Miontuairiscí: 09/10/2018

Miontuairiscí an Chruinnithe:

1. **Miontuairiscí** ón gcrúinniú Boird Bainistíochta ar an 14/06/18 le léamh agus le moladh

Moltóir: Fergal

Cuiditheoir: Ciarán

2. **Nithe ag éirí as na miontuairiscí**

- **Trialacha Caighdeánaithe:** Ag éascú ón gcrúinniú deireanach a bhí ag bord bainistíochta na scoile, pléadh cinneadh faoi na trialacha a dhéanamh níos luaithe sa bhliain leis an bhfoireann bainistíocht inscoile agus leis an bhfoireann teagaisc uilig. Socraíodh na trialacha a dhéanamh le Ranganna 2, 3, 4, 5 & 6. Socraíodh gan dul ar aghaidh le trialacha i ranganna Naíonáin Mhóra sa Ghaeilge agus Rang a 1i nGaeilge, Béarla agus Mata. Beidh sé éigeantach go dtugann R2, R4 & R6 faoi na trialacha arís i Mí Bhealtaine. Seolfar torthaí na dtrialacha seo ar aghaidh go dtí an Roinn amháin. Ceartóidh an fhoireann tacaíochta na trialacha seo. Ní úsáidfear na torthaí seo d'aon chúis eile. Ní bheidh ach torthaí Ranganna 2 & 4 á chlárú ar na tuairiscí scoile ag deireadh na bliana. Roinnfear torthaí na dtrialacha ó bhéal amháin ag na cruinnithe tuismitheoirí ag deireadh Mí na Samhna.
- **Coire:** deisithe
- **Soilse éigeandála** taobh amuigh: cuid acu le dheisiú agus cúpla cheann nua le chur isteach. Soilse éigeandála taobh istigh: roinn chinn le dheisiú go fóill
- **Laethanta inseirbhíse:** Beidh dhá lá inseirbhíse le tógáil i mbliana, ceann amháin don churaclam nua Mhata agus ceann eile don Churaclam Teanga Nua. Dátaí le dheimhniú go fóill.

3. **Comhfhreagras**

- **Litir ó Mhúinteoir Karen:** ag cur in iúl go bhfuil sí ag éirí as a phost buan anseo agus ag bogadh siar go Gaillimh. Ghabh an bord buíochas as ionchur Karen ó thosaigh sí sa scoil anseo.
- **E-phost ó Mhúinteoir Kate Ní Churraoin:** ag cur in iúl go bhfuil sí ag éirí as a phost buan agus ag bogadh go Shasana. Ghabh an bord buíochas as ionchur Kate ó thosaigh sí sa scoil anseo.
- **Litir ó Theach na Deoise** le doiciméad faoi aitheantas ar cháilíochtaí chun Creideamh a mhúineadh i scoileanna Caitliceacha

- **Litir ón Roinn Oideachas agus Scileanna:** Cead faighte seomra ranga a thógáil. Caithfear tús a chur leis an bpróiséas go luath.
- **Litir iarratas faoi Chlub Obair Bhaile a bhunú:** Tá an bord toillteanach go mbainfear trial as go píolótach go bhfeicimid conas a n-éiríonn leis
- **Litir ón Ard-Easpag, Diarmuid Ó Máirtín:** treoir faoi 4 athrú atá le cur isteach inár bpolasaí iontrála. Caithfear 3 as an gceithre athrú a chur i bhfeidhm láithreach (ón 3 Deireadh Fómhair ar aghaidh) agus an ceann deireanach a chur i bhfeidhm ón 3 Nollaig 2018 ar aghaidh. Ní féidir an reiligiún atá ag duine a úsáid mar chritéir a thuilleadh. Ní féidir táillí a iarraidh ar thuismitheoirí/airgid clárúchán a lorg; ó am go h-am i gcásanna áirithe agus i gcomhpháirtíocht le phátrúin agus boird bainistíochta, d'fhéadfadh go n-iarrfar ar bhoird bainistíochta comhoibriú maidir le próiséas iontrála. Ón 3 Nollaig ar aghaidh, d'fhéadfadh go n-iarrfar ar scoil ionad/rang speisialta a oscailt más rud é go n-aithníodh an NCSE go bhfuil an riachtanais sin ann.
- **Dáileadh Leigheas:** Litir go dtí an bord ó thuismitheoir ag lorg cead duine d'fhoireann na scoile a údarú chun leigheas for-ordaithe a dháileadh ar dhalta (páiste an tuismitheora). Tugann an bord cead

4. Tuairisc an Phríomhoide

Tá 473 páiste ar na rollaí

An Fhoireann Teagaisc

24 ar an bhfoireann teagaisc

Postanna Buan:

Ceapadh Múinteoir Louise Nic Dhómhnaill agus Múinteoir Elaine Ní Chaisín go buan I ndiaidh próiséas agallaimh I rith Mí Lúnasa
Guímid gach rath ar mhúinteoirí Karen Denvir agus Kate Ní Churraoin a d'éirigh as I rith an tSamhraidh.

Postanna Sealadach:

Múinteoir Áine Ní Mhainín
Múinteoir Lorna Ní Choistealbha
Múinteoir Eoin Bairéad

(ag clúdú sos gairme Bhríd Ní Dhonnchú, socrú post-roinnt Eimear/Ursula agus Úna/Niamh)

Post Shaoire Mháithreachais:

Róisín - Múinteoir Lisa

Diplóma (Droichead): Múinteoir Róisín.

Beidh Liam (P.O), Eimear (meantóir agus PO Cúnta) agus Úna (post AP2) ag dul faoi thraenáil Droichead. Is iad seo an triúr don bhfoireann PST. 4 lá iomlán le déanamh

Socrúchán Scoile:

Dayna de Barra (Bliain deireanach) Marino (R5 Sinéad).
Georgia de Barra (Bliain 1) Marino (R4 Sinéad)

CRS: 4 phost

Post iomlán ag Gaye, Orla & Niamh Uí Chorraigáin.

Brenda saoire cúraim ón Stát. (Niamh Coilféir ag ionadaíocht faoi láthair)

Rúnaí:

Pauline

Feighlí Scoile:

Mícheál 'Mick' MacLiam (Michael Williamson)

Leabharlainní:

Michelle Ní Mhórdha

Cigire Áitiúil na Roinne:

Cigire nua: Eileen Ní Shúilleabháin (Eileen O'Sullivan)

Cúrsaí Churaclaim

Trialacha Caighdeánaithe:

Á dhéanamh i Mí Dheireadh Fómhair i mbliana. Ranganna 2 – 6 amháin. Torthaí á roinnt ó bhéal ag cruinnithe tuismitheora i Mí na Samhna. (Torthaí na scrúdaithe le chlárú agus le cur ar thuairiscí scoile ranganna 2 agus 4 amháin)

Féinmheastóireacht Scoile:

Gaeilge: Scríbhneoireacht sa Ghaeilge: Próifílí Dhroim Conrach (le dháileadh amach go luath)

Féinmheastóireacht na nDaltaí:

Tá clár le bogábhar darbh ainm 'SeeSaw'. Is féidir an bogábhar a úsáid mar fhilleán Féinmheastóireachta na daltaí, in ionad cóip chrua de fhilleán FMF. Is féidir na h-ípadanna scoile atá againn faoi láthair a úsáid chun cur leis na samplaí oibre atá roghnaithe ag na páistí. Is féidir taifead gutha a dhéanamh, is féidir físeáin a thaifeadadh agus griangraifeanna a ghlacadh agus téacs a chur leo. Beidh tuismitheoirí in ann an bogábhar a íoslódáil, clárú agus samplaí de saothar a bpáiste féin a fheiscint ag aon am. Bainfear triail as le ranganna 5 agus 6 i mbliana. Sábháilfear an costas ar chóipeanna cruu de fhilleáin a cheannach.

Lithearhacht:

- Curaclam Teanga Nua do Bhunscoileanna – bileogaí measúnaithe (N1 – R2)
- Comhléitheoireacht - Daltaí na hIdirbhliana - Coláiste Cois Life (Déardaoin 09:00 - 10:30)

Gaeilge:

- Cleite: clár luath-léitheoireachta (N1, N2 & R1), gnáth leabhair léitheoireachta (ath-léitheoireacht)
- Aistear N1 & N2 tosnaithe níos luaithe bunaithe ar mholtaí ón MSU anuraidh
- Nath na Seachtaine
- Céad Chéimeanna
- Clár Fónaice (N1 Carmel) – go píolótach
- Béim ar conas scileanna litriú na bpáistí a fhorbairt (Úna)

Béarla:

- An Clár - Building Bridges (múinteoirí ag baint triail as i dtéarma 1)
- Jolly Phonics – Rang 1

Uimhearthacht (Mata):

- Teastas ‘Matamaiticeoir na Míosa’
- Fadhb na Seachtaine
- Céimeanna chun fadhbanna a réiteach
- Réidh/Socair/Déan Mata (N1 & N2)
- Seachtain Mhatamaitice (13 – 21 D. Fómhair)

Coirp Oideachais:**Snáitheanna:**

- Cluichí (N1) & Lúthchleasaíocht (N2 – R6) agus Gleacaíocht (M Fómhair & D Fómhair)
- Traenálaí CLG ó Chumann na Sáirséalaigh - Dé Luain (R1)
- Oilíúint Uisce – R6 Stiofán & R2 Sinéad. R6 Louise & R2 Elaine (ag tosnú ar an 17/10/18)

Ceol:

- Ranganna veidhlíní (N2 - R6) - Múinteoir ceoil nua, Elizabeth (Luain & Déardaoin)
- Ranganna Dordveidhlíní (Cello) - Múinteoir Ceoil Adrian
- Cleachtadh Cór - Eimear gach Aoine
- Feadóg Stáin ó R3 - R6
- Míreanna ag tionól scoile

OSPS:

- Clár leasuithe Bí Sabháilte (ag fanacht)
- Ranganna Rothaíochta (Bí Sabháilte)
- Am Ciorcail - Jenny Mosley
- Am Órga
- Ár Rialacha Órga

Oideachais OSG (RSE)

- ACCORD i láthair le Ranganna 5 agus 6 ar an 8/10/18

Teicneolaíocht:

- Infheistiú: iPad x 16 (i-padanna na scoile as dáta) don Compu Lego-WeDo. Caithfear na h-iPadanna a nascadh leis an lego maidir le gach tionscnamh (R5 x 2 i mbliana)
- BeeBots: (scileanna chódú agus ríomhaireachta) mar chuid den gclár Aistear (N1 & N2)
- Clár idir-ghníomhach sa seomra nua (Áine). Bainfear triail as go píolótach sula ndéantar cinneadh faoi na bunranganna eile (deontas TEC)
- Seirbhís sa scoil a fheabhsú

Forbairt Pleananna & Polasaithe:

Fó-choistí: cruinnithe (x4): @ 07/11/18; 5/12/18; 23/01/19 & 13/03/19

Fó-choiste - An Bhratach Scoile Ghníomhach

- Fó-choiste na ndaltaí
- Gníomh uile scoile: Taisteal go phríomh chathracha na hEoraip

Gníomhaíochtaí Breise Churaclaim

- Ranganna Leadóig Boird (Dé hAoine)
- Rince Gaelach (Dé Céadaoin)
- Ranganna Taekwondo - Tráthnónta Déardaoin
- Comhaltas: Ranganna Ceoil @ 18:00 - 21:00 Dé Céadaoin
- CLG - Na Gaeil Óga (Satharn óna 10:00 - 12:00, Tráthnónta Dé Luain, Dé Máirt & Déardaoin)

Rannpháirtíocht Tuismitheoirí

- **Siúlóid na gCailleach @ 25/10/18**
- **Tráthnóna Caifé @ 25/10/18**
- **Margadh Císte 25/10/18**
- **Málaí ar Scoil (Bags2School) @ 16 agus 17 D Fómhair**
- **Infheistiú €1,007 – Ranganna Rothaíochta**
- **Infheistiú €3,000 – I-Padanna nua**
- **Cruinniú C na dTuistí @ 1/10/18**

Rannpháirtíocht na nDaltaí

Coiste Glas - daltaí (beirt ó gach rang)

Coiste Ghníomhach -

Coiste na nDaltaí (Sinéad Ní Shaoraí & Dónal) – díriú ar labhairt na Gaeilge

Seirbhís Feighlíocht Leanaí:

Ar siúl óna 1:40 - 2:40i.n.

Deisiúcháin/Tógáil Scoile

1. Doras sheachtrach amach ón Halla go dtí an chlós (Gerry Browne) – eochar-chlár
2. Garraíodóir istigh ag gearradh siar, an gairdín ar chúl na scoile, na gairdíní inmheánacha, suíomh chun bleibíní a chur
3. Seirbhís déanta ar an gcoire (boiler) – silleadh
4. Doras inmheánach le cur isteach sa halla ón suíomh stórais (na cathaoireacha a iompar)
5. Córas Fuaime (intercom) le cur isteach sa Seomra Nua
6. Córas Fuaime sa halla
7. Guthán curtha isteach sa seomra nua
8. Líon ar imeall na páirce deisithe (Frank)
9. Halla na scoile – dromchla an urláir agus péinteáil
10. Cóillí nua curtha isteach sa seomra nua
11. Mataí (x5) ceannaithe do na bealaí isteach sa scoil
12. Péinteáil – I rith an tSamhraidh
13. Dian-glantúchán an tSamhraidh
14. Fuinneoga le ghlanadh

Imeachtaí Scoile

- Ranganna Rothaíochta (R5 & R6) Laethanta Aoine

- Tionól seachtainiúil
- Cruinniú 'Tús na bliana' – tuistí na Naíonán nua (1/10/18) Liam, Carmel, Áine ní Bh & Hannah I láthair
- Clár Tacaíochta (R6 – aistriú go dtí an mheánscoil) – Téarma 3.
- Team Hope – Boscaí Bróga mar bhronntanais - le fágáil ar ais ar/roimh Dé hAoine 9/11/18

Cúrsaí Spóirt

- Peil Gaelach na gCailíní – traenáil - Dé Luain, cluichí @ Dé Céadaoin
- Peil Gaelach – Foireann Shinsear na mBuachaillí (traenáil @ Dé Máirt; cluichí @ Déardaoin)
- Peil Gaelach – Foireann Shóisear na mBuachaillí (traenáil ar an Déardaoin, cluichí @ Dé Máirt)

Traenáil Foirne/Forbairt Gairmiúil Leanúnach (FGL)

1. Lá pleanála @ 28/08/18 (an fhoireann uilig)
2. Cúrsa SESS – Elaine Ní Chaisín (R2) (Óstán Louis Fitzgerald @ 2 & 3 D Fómhair)
3. Féinmheastóireacht Scoile do phríomhoidí (pdst) – Liam 12/09/18 (Ostán an Spa)
4. Cúrsa Gar-chabhrach (An fhoireann uilig) – Dé Máirt 2/10/18 (2 uair a chloig)

AGE

Reifreann: Gaelscoil Naomh Pádraig dúnta ar Dé hAoine 26 Deireadh Fómhair

5. Tuairisc an Chisteora

€79,372 sa chuntas reatha

6. Tuairisc an Oifigeach Sláinte agus Sábháilteachta

Druil Tine: ar an 27 Meán Fómhair (d'éirigh go maith linn)

Bealach tuirlingthe - pairceáil

Eochair-chláir: ceann amháin le dheisiú ar na dóirse sheachtrach

Soilse Éigeandála: roinnt solais le dheisiú roimh an Gheimhridh

Ardaitheoir: seirbhís déanta

Bealach isteach: a leathnú amach

Fearais Spóirt: Trealamh na Gaeil Óga le stóráil i suíomh eile sa scoil

7. Tuairisc um Chaomhnú Leanaí

Chumar tríd an Tuairisc faoi na 4 chatagóir thíos atá leagtha amach ar theimpléid caighdeánach

(A) Liomhaintí faoi mhí-úsáid i gcoinne pearsanra scoile

(B) Cúiseanna eile inmí Chosaint Leanaí

(C) Cúiseanna inmí chosaint leanaí ag éirí as liomhaintí bulaíochta i measc daltaí

(D) Achoimre sonraithe i dtaobh tuairisciú

8. Polasaithe le hathbheithniú & le dhaingniú:

Polasaí um Dháileadh Leigheas: Pléadh na ceisteanna a tháinig aníos ag cruinnithe foirne agus an chruinniú boird deireanach a bhí againn. Tá an bord sásta an polasaí seo a dhaingniú anois.

Ráiteas Sábháilteachta: An t-aon athrú ar an Ráiteas Sábháilteachta ná: uasdátú ar na bealaí éalaithe de bharr an seomra breise a tógadh i rith an tSamhraidh. Ag éascú ó Dhruil Tine ar an 27 M Fómhair, Beidh R1 amháin ag casadh ar chlé in ionad ar dheis chun an brú tráchta a laghdú chomh maith. Tá an polasaí seo athbheithnuithe anois agus tá an bord sásta é a dhaingniú.

Polasaí Frithbhulaíochta: Beidh suirbhé rialta ranga ar siúl i measc na ranganna R1 & R2 chomh maith anois. Tá teimpléid caighdeánach curtha isteach mar agúisín breise atá simplithe agus níos oiriúnaí do pháistí óga. Tá an polasaí seo athbheithnuithe anois agus tá an bord sásta é a dhaingniú.

9. Seomra Breise (Tógáil)

- Fanacht ar mholadh ón altaire faoin tsíleáil
- Frank ag tabhairt faoi doirteal a chur isteach sa seomra nua. Breathnóidh sé ar an tsíleáil (machalla)
- Chubb chun an t-aláram a nascadh sa seomra nua

10. Imlitreacha/Eolas a eisíodh ón gcruinniú deireanach: (Tá na himlitreacha ar cheangailtáin eile leis an ríomhphost seo. Is féidir teacht ar na himlitreacha & iad a léamh má lorgaíonn tú iad ar an leathanach baile ar www.education.ie).

11. Aon Ghnó Eile

- Daltaí ag am dul abhaile: D'aontaigh an bord go bhfuil sé an-ghnóthach ó thaobh líon na ndaoine ag fágáil na scoile ag an am céanna um thráthnóna (am dul abhaile). Chun an féidireacht go rachadh dalta ar strae a laighdiú, cuirfidh Liam daltaí na scoile ar an eolas ag tionól gur chóir fanacht i gclós na naíonán (laistigh de geataí na scoile) munar féidir teacht ar thuismitheoir/chaomhnóir.

12. Dáta an chéad chruinniú eile

Dé Máirt 27ú lá de Mhí na Samhna - 27/11/18